



STATEN di ARUBA

Fraccion di Movimiento Electoral di Pueblo

STATEN VAN ARUBA

Ingek. 19 MAY 2014

Volgnr.: IS/633/13-14

Na Presidente di Parlamento
Sra. Lopez-Tromp
Presente

Aruba, 19 mei 2014

Topico: pregunta pa gobierno

Respetable Presidente,

Pa medio di e carta aki suscrito den number di Fraccion di MEP, a base di articulo III.7 di nos Constitucion y articulo 59 di Reglamento di Ordo di Parlamento di Aruba, ta haci un peticion na bo persona pa entrega e carta adhunto na Minister di Asuntonan General.

Atentamente,
Den number di Fraccion di MEP

Lider di Fraccion di MEP
Mr. E. C. Wever-Croes

PREGUNTANAN PA MINISTER DI ASUNTONAN GENERAL

Den prensa nos por a lesa hopi riba e yegada di e avion di KLM cu lo a bin riba "bio-fuel". Un iniciativa cu nos di fraccion di MEP tambe ta haya ta bai den bon direccion. Sinembargo locual ningun hende tabata sa ta cu e mesun avion a bai bek cu jet-fuel. Pues, e vuelo aki no ta muestra di ta algo hopi duradero.

Partido MEP ta para pa energia limpi pero duradero. Esey kiermeen e mester ta bon pa Aruba y bon pa e ciudadano. E mester ta pagabel y no mester causa mas debe pa nos pais, especialmente no e momentonan aki cu nos pais ta den e peor crisis financiero. Pesey fraccion di MEP ta insisti pa haya sa cuanto e iniciativanan aki a costa y ta hasi e siguiente preguntanan na gobierno:

1. Minister por confirma cu e vuelo a bai bek riba jet-fuel?
2. Ki dia e siguiente vuelo riba bio-fuel lo bula bin Aruba y cu ki frecuencia esaki lo tuma lugar?
3. Cuanto placa Aruba a paga y tin cu paga pa esaki?
4. Nos ta ripiti nos pregunta cu te dia di awe gobierno no a contesta: cuanto e contract tabata cu sr. Wubbo Ockels,
5. Y e contract cu Richard Branson di Carbon War Room?
6. Y cu sr. Al Gore cu tabata orador na e prome Green Conference?
7. Minister por facilita Parlamento di Aruba e contractnan menciona bow di preguntanan 3, 4, 5 y 6.

Nos lo aprecia si Minister por contesta e preguntanan aki por escrito mas pronto cu ta posible.

Atentamente,
Den number di Fraccion di MEP

Lider di Fraccion di MEP
Mr. E. C. Wever-Croes